

158/  
2017

## Áfrýjunarstefna

Hæstiréttur Íslands

**Gjörir kunnugt:** Réttinum hefur tjáð Hilmar Gunnlaugsson hrl., Kaupvangi 2, 700 Egilsstöðum, að hann þurfi fyrir hönd Sólvalla, sjálfseignarstofnunar, kt. 660810-1370, Traðarbergi 19, 221 Hafnarfirði, að áfrýja til Hæstaréttar Íslands dómi Héraðsdóms Reykjaness, uppkveðnum 9. desember 2016, í málinu nr. E- 446/2016:

### Sólvellir, sjálfseignarstofnun gegn Hafnarfjarðarkaupstað

Ofangreindur hæstaréttarlögmaður, Hilmar Gunnlaugsson, fer með málið fyrir Hæstarétti fyrir hönd áfrýjanda.

Fyrirsvarismaður áfrýjanda er Erna Fríða Berg stjórnarformaður, kt. 020938-3749, Eyrarholti 6, 200 Hafnarfirði.

Fyrirsvarismaður stefnda, Hafnarfjarðarkaupstaðar, kt. 590169-7579, Ráðhúsi Hafnarfjarðar, Strandgötu 6, 220 Hafnarfirði er Hjaraldur Líndal Haraldsson, kt. 170852-3469, Sandprýði 2, 210 Garðabæ.

#### Áfrýjun og tilgangur áfrýjunar:

Með dómi Héraðsdóms Reykjaness var viðurkenningarkröfu áfrýjanda hafnað. Þá var vara- og þrautavarakröfum, sem voru fjárkröfur, að mestu hafnað. Daginn fyrir aðalmeðferð málsins hafði stefndi greitt hluta fjárkröfunnar og féllst dómari á þann hluta, en hafnaði kröfu áfrýjanda um dráttarvexti á þá fjárhæð.

Áfrýjandi vill ekki una niðurstöðu héraðsdóms og telur niðurstöðu héraðsdóms ranga. Áfrýjandi mun leitast við að sýna fram á, að dóminum beri að hnekkja fyrir Hæstarétti Íslands, á þann veg aðallega, að fallist verði á aðalkröfu áfrýjanda, en til vara að fallist verði á fjárkröfur áfrýjanda eins og þær birtast í vara- og þrautavarakröfum. Þá krefst áfrýjandi málskostnaðar fyrir héraði og Hæstarétti úr hendi stefnda.

#### Dómkröfur áfrýjanda:

Fyrir Hæstarétti Íslands gerir áfrýjandi sömu kröfur og í héraði að teknu tilliti til innborgunar stefnda, þ.e. að héraðsdómi verði hrundið og aðallega að viðurkenndur verði réttur áfrýjanda til skaðabóta úr hendi stefnda vegna missis hagnaðar vegna þeirrar ákvörðunar bæjarráðs stefnda frá 6. september 2012, sem staðfest var af bæjarstjórn stefnda þann 12. september 2012, að falla frá því forvaldsferli um hjúkrunarheimili á Völlum 7 sem hófst með fundi starfshóps 9. febrúar 2010,

til vara að stefndi verði dæmdur til að greiða áfrýjanda kr. 12.274.661 auk dráttarvaxta skv. 1. mgr. 6. gr. vaxtalaga nr. 38/2001 af þeirri fjárhæð frá 12. september 2012 til greiðsludags, að frádregnum krónum 350.000 m.v. 14. nóvember 2016,

og til þrautavara að stefndi verði dæmdur tli að greiða áfrýjanda kr. 2.605.000 auk dráttarvaxta skv. 1. mgr. 6. gr. vaxtalaga nr. 38/2001 af þeirri fjárhæð frá 12. september 2012 til greiðsludags, að frádregnum krónum 350.000 m.v. 14. nóvember 2016.

Þess er í öllum tilvikum krafist að dæmt verði að stefndi skuli greiða áfrýjanda málskostnað fyrir héraði og Hæstarétti samkvæmt mati dómsins eða síðar framlögðum málskostnaðarreikningi.

**Frestur stefnda til að tilkynna um að hann muni halda uppi vörnum í málinu:**

Stefndi skal tilkynna Hæstarétti Íslands, eigi síðar en 19.4.2017 hvort stefndi muni halda uppi vörnum í málinu. Berist slík tilkynning ekki innan frestsins er litið svo á að stefndi krefjist staðfestingar héraðsdóms og verður málið þá dómtekið skv. 3. mgr. 158. gr. laga nr. 91/1991 um meðferð einkamála, sbr. 12. gr. laga nr. 38/1994, eftir atvikum að liðnum fresti sem áfrýjanda kann að verða veittur til að ljúka gagnaöflun og dæmt á grundvelli fyrirbyggjandi gagna.

Áfrýjunarstefnu þessa verður að birta eigi síðar en viku áður en ofangreindur frestur til handa stefnda er á enda.

Til staðfestu er innsigli Hæstaréttar Íslands.

Reykjavík, 8. 3. 2017.

Þórunn Árnadóttir

Gjald kr. 50 000,

Stefndi, Hafnarfjarðarkaupstaður, hefur falið undirritaðri að flytja mál þetta fyrir Hæstarétti, halda uppi vörnum og skila til réttarins tilkynningu þeirri sem mælt er fyrir um í áfrýjunarstefnunni. Samrit stefnunnar hefur verið afhent undirrituðum samtímis því að ég áritua hana fyrir hönd stefndu til staðfestingar þess að hún hafi verið birt. Birtingarvottorð þetta er áritað á frumrit stefnunnar.

Hafnarfj. 19.4.2017  
staður og dagsetning

Sigríður Þórunn

